



---

ESewula Afrika, iLanga lamaGugu lilanga leholideyi  
yomphakathi eba ngomhlaka-24  
kuKhukhulamungu.

Incwadi le ikhuluma ngeLanga lamaGugu.  
Uzakwazi ngelanga leli, nokobana kubayini  
liqakathekile eSewula Afrika.



Boke abantu banevelaphi yabo. Ivelaphi yethu iyingcenye yamagugu wethu.

AmaSewula Afrika agidinga iimvelaphi ezihlukahlukenenko ngokubumbana babe boke ngelangeli njengeminden, imiphakathi, begodu nesitjhaba.

ISewula Afrika inamasiko ahlukahlukenenko begodu soke sabelana ngamasiko.



Omunye nomunye umuntu omSewula Afrika unamagugu azikhakhazisa ngawo!

Amagugu weSewula Afrika anemibalabala begodu mahle.

Amasiko wethu anokudla okuhlukahlukene, iinselo, iimvunulo, iingoma kanye neendlela zokugida.



Amasiko wethu ahlukahlukeneko aneenkolo, imikhuba kanye neenqhemu ezihlukahlukeneko.

Abantu eSewula Afrika bakhuluma amalimi amanengi ahlukahlukeneko. Inarha le inamalimi ali-12 asemthethweni.

AmaLimi asemThethweni weLanga lamaGugu eSewula Afrika:

Usuku IwaMafa (isiXhosa)

Usuku Iwamagugu (isiZulu)



Letšatši la Bohwa (Sepedi)

Letsatsi la Botjhaba (Sesotho)

Letsatsi la Ngwaoboswa (Setswana)


Lilanga Lemagugu (Siswati)

Ɖuvha |a Vhufa (Tshivenda)

Siku ra Ndzhaka (Xitsonga)

Erfenisdag (Afrikaans)

Heritage Day (English)



Ngesikhathi sebandlululo, ilanga langomhlaka-24  
kuKhukhulamungu belaziwa njengeLanga likaShaka.

Ngemuva kwebandlululo, ipalamende yatjhugulula iLanga  
likaShaka yalenza iLanga lamaGugu. Balenza ilanga lawo  
woke amaSewula Afrika ukobana agidinge.

Sigidinga ukuhlukahlukana kwethu namagugu wethu  
esabelana ngawo.



UmThethosisekelo weSewula Afrika unemithetho eqakathekileko esiyelelisako. Umumethe imithetho esisekelako nevikela amalungelo wethu.

UmThethosisekelo uthi soke siyalingana.

Akekho umuntu ongaphezulu komunye umuntu.



UmThethosisekelo uthi abantu bangabandlululani. Kufanele siphathane ngehlonipho.

Woke umuntu unelungelo elifanako. Soke sinelimi, sinekolo kanye namalungelo wobuntu.



Ngelanga lamaGugu, amaSewula Afrika athabela ukuvuma nokugida ngendlela yendabuko yabo.

Okhunye godu sithabela nokupheka ukudla kwethu kwasintu.


Abanye bahlonipha abezimu babo, ngokuvuma iingoma.  
Abanye bavakatjhela amathuna wabobamkhulu babo.



abantu bambatha iimvunulo ezinemibalabala nezihle.  
Bambatha amarhabi, imitjeka nezambatho zesitjhwtjhwe,  
isibhelani nezinye godu ezinengi.

Lokha amaSewula Afrika nakagidinga iLanga lamaGugu,  
nathi sigidinga ilanga lamatshwayo wenarha.

Amatshwayo wenarha ziinlwana neentjalo eziyingceny  
yamagugu wethu.



Naka amatshwayo welizwe loke weSewula Afrika:  
Itsephe isilwana selizwe.  
I-Crane ehlaza sasibhakabhaka iyinyoni yelizwe  
Iyelowudi imumuthi welizwe.  
Isiqalaba silithuthumbo lelizwe.  
Igaliyoni iyihlambi yelizwe.



Iinkolo ziba nemigidingo yeLanga lamaGugu  
ngaphambidlana kobana kufike ilanga leholideyi  
yomphakathi.

Abantwana bambatha iimvunulo zabo zesikhethu bese  
batjela abanye ngetlasini bona bazini ngamagugu wabo.

Bezwa ukudla kwesintu okuphekwe ngabanye, bazama  
ukugida ngendlela abanye abagida ngakhona ngokwesiko  
labo.



Imigidingo yamagugu eSewula Afrika kufanele yenziwe  
ngokwesiko le-Afrika!

Abantwana abazikhakhazisa ngelanga le-Afrika bathi:  
NginguNamunya. Ngembethe ishuka.

Ngingu-Adilah. Ngembethe ikaftan.

Ngingu-Isoka. Ngembethe igele.

NginguSipho. Ngembethe ibhetjha.



## —Imibuzo

1. Linini begodu kubayini ligidingwa iLanga lamaGugu?
2. Itjho amatshwayo amane weSewula Afrika welizwe loke.
3. Tlola amabizo ‘weLanga lamaGugu’ ngamalimi amabili angasiwo wakho.
4. Khulumani nganyana ngimaphi amalungelo asekelwa navikelwa mThethosisekelo weSewula Afrika.
5. Ngiziphi iindlela ezihlukileko amaSewula Afrika agidinga ngazo iLanga lamaGugu?
6. Thola ilwazi ngeendawo ezihlanu zamagugu ezitholakala eSewula Afrika.
7. Khuyini okuzwisisako ‘ngelimi elisemthethweni?’ Thola nanyana ngimaphi amalimi amahlanu akhulunywa eSewula Afrika angasihlangana nalawo ali-12 asemthethweni.
8. Ucabanga bona kufanele kube nelimi linye elisemthethweni e-Afrika yoke? Hlathulula.



## —Iincwadi eziselungelungeni leli

- Ilanga lokuBuyisana
- Ilanga leKululeko
- Ilanga lamaGugu
- Ilanga lamaLungelo wobuNtu
- Ilanga laboMma
- Ilanga labaSebenzi
- Ilanga leluTjha



---

Indatjana le yatlhanywa begodu yatlolwa ngelimi le  
Tshivenda, njengengceny ephrojekthi yeZenex  
Ulwazi Lwethu ye-2020 yeencwadi ezingafundwa.